

WAR ELEGIACS

*In piam memoriam juvenum
nuper apud Universitates in coloniis Britannicis studentium
qui mortem occubuerunt contra Germanos pugnantes.*

Quorsum hæc bella ferunt? cædem lacrimasque reportant:

Ver anni periit⁽¹⁾: mansit inermis hiems:

Uxores viduæ fiunt: sine patre puellæ:

Tuque, decus nostrum, ponis, ephebe, libros.

Aureus ille calix, argentea chorda soluta est⁽²⁾:

Desiit ante diem mens nova nosse nova.

Spes flemus cassas, ramos sine flore peremptos:

Mors Erebusque adeunt: Mars et Erinnyes habet!⁽³⁾

Sed quid vita homini valet, ut desideret ipsam?

Quidve iuventa valet, fiat ut ipsa dolor?

Quid valet annorum series et inutile pondus?

Longo sæpe situ longior una dies.⁽⁴⁾

Hi cecidere viri pro libertatis amore:

Et patriæ causâ: majus an ausit alis?

Hi juvenes toto functi sunt munere vitæ;

Quisque virile suâ parte peregit opus;⁽⁵⁾

Nec juvenis cecidit quamvis florente iuventâ:

Re factâ, meritis laudibus, ille senex:

Vulnera perpessus contraria, versus in hostem

Occidit; at nostra vivit in æde memor.

Imperium potuit manibus per mutua nexis

Jungere, diversas conciliare plagas;

Crebrescuntque novæ gentes: Australia ad astra

Tollitur, et Canadæ rumor in ora virum:

"Longa quidem via fit Tiperaria, sed peragemus"

Sic canimus: vobis longa peracta via est:

Nos animo tantum Berolini advenimus arcem:

Sistitur at vobis agmen in arce Dei: